



Inatsisartuni ilaasortaq,
Stine Egede, Inuit Ataqtigiit
/Maani

§ 37 naapertorlugu apeqquteqaammut nr. 307-mut tunngasumut akissut

Inatsisartut suleriaasiat § 37 imm. 1 naapertorlugu apeqqutinik Naalakkersuisunut nassiussaqaarsimavutit, *Misileraalluni aalisarneq* pillugu.

Apeqqutitit uanga suliassaqaarfisannut akisassanngortinneqaarsimapput.

Naalakkersuisunut apeqqut:

1. Kalaallit Nunaata imartaani sumiiffinni misileraalluni aalisartoqarpa?

Akissut: Naalakkersuisut aalajangerput 2018-imi misileraalluni aalisartoqassasoq sumiiffinni aalisarfigineqarneq ajortuni, misileraaneq Naalakkersuisooqatigiit isumaqatigiissutaat tunngavigalugit aalisariaatsit nutaat atortullu nutaat atorlugit ingerlanneqassalluni. Misileraalluni aalisarnerup siunertaraa aalisakkat siornatigut aalisarneqanngitsut sumiiffiillu siornatigut aalisarfigineqanngitsut periutsit atortullu nutaat atorlugit misileraasoqarneratigut ingerlanneqassasut.

Naalakkersuisut piumasaqaatit aalajangiussaataat tassaavoq misileraalluni aalisarneq aalisakkanut nalunnginneqareersunut sumiiffinni ilisimasaqarfigineqalaareersuni atortut ilisimaneqareersut atorlugit misileraalluni aalisartoqarnissaa, misileraanerillu saarullinnut, qaleralinnut, nataarnanut, tinguttuunut, lange-nut, qeeqqanut eqalunnullu pisinnaasut. Tunumi titarniusap avannamukaartup 67N-imiit raajanik misileraasoqassasoq ilanngullugu. Tunumi akuleriiaanut aalisarnermik misileraasoqassasoq pisassat amerlassusaat killiliiffineqanngitsumik. Aammalu Naalakkersuisut aalajangerput tunup kitaatalu sineriaani kapisilinnut guldlaksinik misileraalluni aalisartoqassasoq saarullinnut suluppaakkanullu aalisarnermut akuersissutaatilinnut.

Naalakkersuisuttaaq aalajangerput Kitaani aalisakkanut ilisimaneqareersunut atortut ilisimaneqareersut atorlugit misileraalluni aalisartoqassasoq soorlu avaleraasartuunut, ammassassuarnut, ammassannut, saarullernanut siornatigut aalisarfigineqanngitsuni not-it qalorsuillu atorlugit.

2. Aalisakkat suut pisarineqartarpat?

Akissut: Piffissami 2016-imiit 2018-imut Kalaallit Nunaata Kitaani Tunumilu misileraalluni aalisartoqarnerani pisarineqartut tassaapput, kapisillit arlaat guldlaks, saarullit, assagiarsuit, makrelit, pisassiissutigineqartunullu akuukkanut ukuusunut avaleraasartuut, raajat, saarullit, qalerallit, nataarnat, tinguttuut,

Ulloq: 14-12-2018
Suliap normua: 2017 - 21077
Akt normu: 9544398

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

saarullit atamasut, qeeqqat, ammassassuit, guldlaks, eqaluit, eqalukkat, pisassat akuukkat, assagiarsuit. Takuuk ilanngussaq 1.

3. Aalisakkat assigiinningsut qanoq amerlatigisut pisarineqartarpat?

Akissut: Innersuussutigineqassaaq ilanngussaq 1 tassani piffissami 2016-imiit-2018-imut misileraalluni aalisarnermi pisarineqartut amerlassusaat takuneqarsinnaapput.

4. Aalisakkat pisarineqartut sumut tunineqartarpat?

Akissut: Kitaani pisarineqartut Kitaani tunitsivinnut tulaanneqartarput, Tunumilu pisarineqartut Islandimut Savalimmiunulluunniit tunineqartarput.

5. Nalunaarsuinerit qanoq ingerlappat?

Akissut: Misileraalluni aalisarnerit ullut tamaasa sapaatip akunnikkaartumilluunniit angallammii Kalaallit Nunaannit Aalisarnermut Nakkutilliisoqarfimmut pisarpoq, logbogit atorlugit, logbogimi nalunaarutigineqartussaataasut immikkuualuttut tamaasa ilanngullugit allatorneqartarput. Aammalu misileraanerit ilai misissuinerimut atugassanik tunniussisussaataapput nalunaarusianilluunniit suliaqaqqusinerimik piumasaqaatitaqarlutik.

6. Nakkutilliinerit qulakkeerniarlugit qanoq ingerlasoqartarpa?

Akissut: Misileraalluni aalisarnerit KANUAANA-miit inuttaliiffineqarsinnaasarpoq aalisarnerup ingerlanerani nakkutilliisussamik. Aammali sinerissami nakkutilliisunit Arktis Kommandomiit KANUAANA-lluunniit nammineq nakkutilliisunit misileraallutik aalisartut ikiffineqarsinnaasarput misissuiffineqarlutillu. KANUAANA-p tulaassanit nalunaarutit aalisartullu nammineq tulaassanit nalunaarutigisimasaat tunngavigalugit sanilliussilluni misissuini aamma ingerlattarpar. Kiisalu KANUAANA-p nammineq nakkutilliisuisa tulaassinerit nakkutilliillutik peqataaffigisinnaasarpaat takuniarlugu tulaassat amerlassusaat suullu pisarineqarsimanersut misissorniarlugit.

7. Nunat suut misileraanermi peqataatinneqarpat?

Akissut: Piffissami 2016-imiit 2018-imut aalisarlutik misileraanermi peqataasut tassaapput kalaallit, savalimmiormiut EU-mullu ilaasortat ilaat.

8. Nunanut allanut misileraalluni aalisarnermi isumaqatigiissutit ukiuni qassini ingerlasarpat

Akissut: 2018-imi kalaallit aalisariutaat kisimik misileraanermut peqataapput. Nunani allamiut misileraallutik aalisarnissamut isumaqatigiissuteqarfigineqanngillat.

9. Kalaallit Nunaanni angerlarsimaffeqartunit misileraanerit ingerlanneqartarpat?

Akissut: Misileraallutik aalisariutit inuttaat Kalaallit Nunaanni najugaqartuinnaapput.

Inussiarnersumik inuulluaqqusillunga

Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq

Ilannugsaq 1

Suussuseq	Akuersissutaatillit			Akuersissutit atukkat			Pisarneqartut			Pisassat sinneri		
	2016	2017	2018	2016	2017	2018	2016	2017	2018	2016	2017	2018
Raajat	23	1	1	21	0	1	2.610	0	0	745	500	500
Saarulligit	29	7	10	22	6	10	17.048	2.430	4.032	3.561	2.569	1.467
Ammassassuit	13	1	2	7	1	0	17.959	0	0	10.334	0	0
Guldlaks	4	1	2	1	1	2	14.828	664	412	2.785	835	3.087
Saarullernat	4	0	2	0	0	0	0	0	0	0	0	0
Avaleraasartuut	21	35	2	15	23	0	36.047	46.567	0	4.506	35.190	0
Ammassaat	4	1	0	0	0	0	0	0	265	0	0	-265
Putooruttut	2	0	0	0	0	0	0	0	0	3.000	0	0
Peqquserutsit	1	1	0	0	1	0	0	0	0	0		0
Egalukkat	4	1	4	0	1	1	0	0	20.687	4.000	1.000	4.977
Egalugaasat	4	1	4	0	0	0	0	0	0	4.000	1.000	4.998
Pisassat akuukkat	8	7	4	6	6	1	1.748	700	263	2.757	299	-263
Assagiarsuit	1	1	2	0	1	1	0	0	68	500	500	499
Amikut	0	0	0	0	0	0	0	0	0	0	0	0
Assagiarsuit	0	0	2	0	0	1	0	0	48	0	0	-48